

210.9

9

百歳抄ノ巻九



十七

百練抄

十

210.4
10

0 1 2 3 4 5 6 7 8 9 5 7



百練抄卷第十

後鳥羽院十五年

元曆一
建久九

文治五

100-6-11-1

後鳥羽院諱尊十五年

高倉院第四皇子御母七条院修理大夫信隆卿女壽永二

年八月廿日於閑院受禪春秋四歲同日以攝政基通

更為攝政元曆元年七月廿八日即位同十月廿

五日御楔皇后同輿同十一月十八日大嘗會建久九

年正月十一日禪位同十九日被奉尊号御隨身

等兼久二年十一月八日辭退尊号兵杖御封等

同三年八月八日於鳥羽殿御出家同十三日奉

配隱岐国

元曆一年壽永三年四月十六日改元依代初也

正月一日辛卯節會不進腹赤贄依西国賊乱也
又無小朝拜代始為凶會日之故也今夜子刻已
後及遲明暴風雷雨將軍墓鳴動
六日丙申叙位也昨日延引依公家并攝政御衰
日也

八日戊戌御齋會始也世間風聞云坂東武士令
越來義濃伊勢等因義仲為相禦差遣軍兵等西
国武士平氏又超來福原邊云々

十一日以伊豫守義仲可為征夷大將軍之由被
下宣旨

廿日庚戌今日辰刻坂東武士源義經等自宇治
路入洛伊豫守義仲朝臣下隨兵雖合戰無程敗
績於大津邊義仲被討畢餘黨散乱四方坂東武
士各追乱云々

廿二日壬子攝政師家停止氏長者如元以基通
可為攝政者

廿六日丙辰梟伊豫守義仲首去廿日斬之字九郎義
經相具之廷尉於六条河原請取之懸東獄門樹
見者如堵此外字根井今井樋口等雖為降人渡
路頭

廿八日戊午諸社祭可停止之由被宣下
今日攝政被申拜賀

廿九日己未為討平氏九郎義經下向西国云々
二月一日庚申春日祭依世間穢延引

四日癸亥祈年祭延引有大稔

八日丁卯九郎進飛脚云自昨日寅時至午時合
戰攻落大將軍已下多以打取之畢本三位中將
重衡為生虜云々

九日戊辰天下穢限有沙汰諸社祭等停止但祈
年祭石清水臨時祭以吉日可被行者

十三日壬申今日平氏等首被渡之云々權中納
言家通卿叅入仰下賊首可懸獄門樹之由

廿三日壬午前馬助季高有被召問事是義仲黨
類者也被下院廳畢

廿四日癸未召彈正大弼資泰朝臣被尋問是又
義仲示合雜事之故也

三月三日壬辰有御燈由後雖天下穢中猶被行
之代々例也

十四日癸卯祈年祭也

廿三日壬子祈年穀奉幣也

廿七日丙辰除目入眼也源賴朝叙正四位下從本
五位天慶秀卿自六位叙四位之例也日吉并北
野神位記請印宰相殿和泉殿贈位也日吉神位
記行神祇官畢

四月二日庚申平野祭也

八日丙寅内裏灌佛停止依御即位以前也

十五日癸酉賀茂祭也崇徳院并宇治左府廟迂
宮也件事公家不知食院中沙汰也仍不被憚神
事日也

十六日甲戌解陣也又有改元事元曆

五月二日己丑武士追捕松尾神主宅云々

三日庚寅前大納言頼盛卿下向關東依恩免也

十一日戊戌權中納言家通卿參入被行搦盜内

卯犯人之賞以藤原孝久任左兵衛尉散位從五

位下孝實孝久父也一階事追可申請

廿一日戊申賀茂上社舞殿無風顛倒云々

六月廿三日庚戌依神鏡并神璽宝劔等御祈被

至廿二社奉幣使

七月十七日癸卯被立御即位由伊勢奉幣使攝
政家泰神祇官被癸遣之

十九日乙巳今日於近江国官軍與伊賀伊勢凶徒筑後前司貞能兄平田入道已下合戰凶徒敗績

廿日丙午御躰御卜奏也式日無龜甲之間延引廿八日甲寅御即位也任治曆例於太政官廳始行之

八月十日丙寅大嘗會国郡卜定也近江甲賀郡丹波多紀郡今夜出羽守信兼并男左衛門尉兼衡被下解官宜旨件信兼子息三人於新廷尉義經宿所自害云々

九月二日戊子參河守範頼為追討使下向西国九日乙未平座也今日掃部頭安倍季弘朝臣被

下解官宜旨陰陽權助不解之

十月九日甲子權大納言忠親卿被行攝政内舍人隨身勅書事以權中納言兼房卿被行内印今日御即位大奉幣也

十五日庚午被立大嘗會大奉幣使

廿五日庚辰大嘗會御禊也

十一月九日甲午三社奉幣也

十八日癸卯大嘗會也

十二月十六日辛未攝政春日詣也大納言定房卿已下月卿雲容多以扈從法皇御見物

廿五日庚辰始臨万機旬權大納言良通卿已下
參入

文治五年元曆二年八月十四日
改元依火災地震也

元年正月一日乙酉節會小朝拜如例

今夜戌時有變異彗星出現云々或蚩尤旗云々

十日甲午為追討平氏檢非違使左衛門尉源義經發向西海了

廿日甲辰除目入眼也雖坎日不被憚也

廿一日乙巳法印實宴於日吉社頭被敎害不知何人之所為

二月四日戊午初年祭延引依大神宮穢也

十九日癸酉住吉社司言上云去十六日子刻自

第三神殿流鏑指西方出了者即付使被獻御劔

已下宝物了諸社又如此

廿日甲戌有内侍所臨時御神樂依追討御祈也

三月廿四日丁未於長門門司關為源軍平氏悉

被責落了前帝外祖母二品奉抱幼主没海中内

大臣宗盛父子平大納言時忠卿父子前内藏頭信基

等生虜也女房建禮門院已下存命云々

廿六日己酉於賀茂社一日大般若經書寫供養
上人之勸進也自院有御結縁云々

四月四日丁巳廣瀨龍田祭也

今日追討平氏之由言上去三月廿四日於前内

大臣宗盛已下多生虜之云々

廿二日乙亥攝政賀茂詣也權大納言實房卿已
下公卿十七人扈從

廿五日戊寅戌時神鏡璽自鳥羽入御座朝所權
中納言經房卿參議泰通卿權弁兼忠朝臣已下

次將等供奉大夫判官義經等奉相具若宮御入
洛侍從信清相具院御車奉迎云々

廿六日己卯前内大臣宗盛已下入京見物輦成
群云々内府淨衣駕車上簾開右衛門督同車平

大納言連軒著淨衣上車簾開信基朝臣被疵不被
渡大路云々

廿七日庚辰自閑院行幸大内内侍所自官朝所
渡御温明殿自今夜三夕日有御神樂事神璽同

奉渡也正四位下源頼朝朝臣依追討賞叙從二
位